

平陽縣志

重修邠縣志序

夫一邑之中人心所由維風俗
所由繫政令之得失於此徵教
化之盛衰於此驗謂宜時稽而
時訓以期傳後而信今曷信乎
爾信諸志也邠故汝旁古邑凡

序

山川之秀物土之宜問戶口則

生齒日繁問學校則人文日蔚

政教使然也世代遞更簡編具

在或數十年而一變或百餘年

而一變星移物換與時偕遷固

可按籍而稽瞭如指掌已我

明休養生息厚澤深仁迄今二百
餘年士習民風蒸蒸日上允宜
紀載昭示將來攷舊志增修於
乾隆七年再修於嘉慶七年距
今六十餘載其間父老傳聞紳
耆記睹有關於風俗人心者實

序

二

足與前言往行輝映後先如李
烈士罵賊不屈趙鄉賢事親弗
衰非無致身之臣盡孝之子也
如陳叅謀辭祿不受高司訓好
義而施非無敵愾之人經時之
士也當滑賊之倡亂設累者視

死如生非無柏舟之志也值劉
寇之流離墜井者守貞不辱非
無蘭閨之操也若夫禦寇全城
報功食德抑且雄文華原惠政
安民忠孝本性而生節義聞風
而起然則官斯土者闡揚風化

序

三

何一不可大書特書庶幾任其
湮沒如白雲春草徒傷荒渺哉
姜君自成豐乙卯甫莅斯邑適
值土匪滋事團練鄉勇督飭各
防逾兩載而匪平首以重修郡
志為念爰商諸學博喬劉兩外

翰並延邑中郭孝廉菟輯討論
較舊志事增十之二三核偽黜
浮遠不遺而近不濫共裒為十
二卷亟蠲金付梓開局於戊午
季秋葺工於己未孟夏時余奉
命開府中州軍書旁午皖氛不靖擾

序

四

豫東南檄令各屬籌辦團練方
完城垣繕甲兵精擊刺嚴保衛
為急務而姜君獨以新修邑志
請於余余詳加繙閱乃知君之
大有造於斯邑之人焉語云前
事之不忘後事之師此時此志

也後之來斯土者不煩勞搜博
采而此六十餘年間因革法戒
一展卷而朗若列眉豈特一二
世之利哉抑余聞之今之率爾
操觚者大都以此藻績承平飾
人耳目已大失乎修志之本意

序

五

而或以為事非急需不暇及此
君乃於戎馬倥傯征輪孔亟之
時獨毅然為之識者斷為知治
要之君子焉由是而勤政令廣
教化正人心勵風俗以邾之人
觀邾之事感而易入信而足使

安見東陝之淳風西京之雅化
不可復睹於今日乎余既嘉姜
君之志余尤厚望於邠之人士
也夫

咸豐九年歲次己未仲秋月

兵部侍郎都察院右副都御史

序

巡撫河南等處地方提督軍務
兼理河道長白瑛棨題



序

自古輜軒所蓋首重衆風凡
名邦鉅郡以造一鄉一邑之間
其大者備

國家掌故之寶文獻之考即
其間地輿取勝人心習尚載

序



一

而存之亦異日訓俗型方所必
需以丁巳秋余奉

命視學中州甫蒞任首按臨
汝路徑郟邑維時荏苒未靖
警報頻聞邑宰姜岐山明府
方與此郡士庶講武備設國

防閭閻之間衆志協然洎已來
冬舉汝河歲試再過茲邑名
堡鄉團肅迎道左騃俗數十
里聲威壯甚乃歎賢守令保障
一萬所以杜奸究覲觀志躋斯
民安全之域者誠有由也乃辭

序



一

方周旋卽有纂修邑乘之舉
夫邾魯古邾邾地襟連魯洛
之區背枕荆山面臨汝水蛾眉
扈陽蔚然植秀山川清泚之
氣蓄積鍾毓於以代有聞人
而中忠孝之彥節烈之士及

德幽貞均互流傳不朽誠古有
闕於風俗人心者因時博訪蒐
羅數佚顧可緩乎哉歷考邦
志自兵燹後有明以前已無可
攷證至

國朝凡五修最後為章君玉

序

三

森脩於嘉慶七年迄今又閱五
十餘年星移物換時移事遷人
民之聚散風氣之感哀已多今
昔之殊絕非亟為纂訂則歷
年逾遠搜輯逾難特守
土者之責亦觀風問俗者憂也

今覽是編義例謹嚴事皆核實
舉凡山川形勢風教人文無不
燦然列眉誠足以傳示身家獨
念當防寇絕武之餘汲於修輯
之事固能使人人知所觀感作忠
義之氣即以隆敲斲之心其為此

序

四

都計者至周且備誠所謂盡心
民事者將見都人士益知親上
事長永享安堵之樂以仰副

聖天子養育綏靖之意也則尤余
之厚望以夫是為序

咸豐九年歲次己未季冬下澣

督學使者高陽李鴻藻撰并書



重修邳縣志序

邑之有志猶國之有史文獻所
關政教攸繫非徒藉以考山川
之向背稽田賦之多寡證歷代
沿革之迹誌闔境物產之宜已
也風俗之淳澆人材之盛衰忠

序

臣孝子之孤標文章節義之芳
躅胥於志乎書使夫幽光潛德
鬱而必彰僻壤窮鄉隱而彌曜
足令閱者勃然興起頽靡丕變
則志之修固所以扶名教維風
化之急務也邳為六郡屬邑劉

山汝水靈秀之氣代產偉人武
功如臧愨侯鉞忠侯馬北平儒
林如李愚菴王蒼谷皆炳耀史
冊儀型鄉閭我

朝定鼎以來重農興學教養兼行
邑中績學之儒志節之士接踵

序



而生後先輝映而其風俗淳樸
人民勤儉亦視他邑為最比因
捻匪不靖自南陽竄入郟境承
平日久民間不習兵革一聞賊
至皆驚惶失措朝不保夕維時
令斯土者則皖江姜曉山也曉

山才具敏練辦事精詳親赴各
村保諭以禍福使自為團練名
保衛社每聞警報即率兵役馳
赴命團勇分守要害相機剿捕
先後殲斃擒匪無算自是匪徒
不敢窺邨隣邑被匪蹂躪者亦

序

三

多恃邨為聲援余方意曉山於
兵戎之際諸務未遑乃曉山獨
慨然遠慮於邑中人其思更有
以風示而激勵之也遂於戊午
九月設局修輯縣志越歲書成
以稿本寄余屬加釐訂並請為

序以弁簡端余詳加披閱事皆
徵實言必扼要而於忠孝節義
有關於世道人心者紀之尤為
詳晰始信曉山之為邾慮者至
深殆以志為廉頑立懦之資非
以志為觀風問俗之助也抑余

序

四

更有請者汝郡所屬雖自戊午
以後少形安輯而皖省一帶匪
徒黨與尚衆恐復潛相勾結乘
隙滋擾且民間自團練以來置
軍資修戰備財亦幾匱而力亦
幾殫矣曉山是志之修業有以

激發其民使人人知以忠義自
勉而所以寬恤之休養之者當
必更有加於前日庶緩急足恃
上以紓

宵旰之憂而下以奠斯民芑桑
之固後之覽是志者俱將懷想

序

五

召杜之德於無窮也是則余所
竊願與曉山共勉者爾時

咸豐九年歲次己未秋七月知
汝州直隸州事績溪程廷鏡序

